



16. august 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

**Naalakkersuisunut apeqqut:**

- 1. Naalakkersuisut qanoq iliuseqarniarpat Qaanaami piniartut aalisartullu ukiup sinneranut imminnut pilersorsinnaanissaat pillugu?**
  - 1a. Taamaanngippat ukiuni tulliuuttuni Naalakkersuisut qanoq iliuseqarniarpat qilalukkat qernertanut pisassiissutinut tunngatillugu?**
  - 1b. Taamaanngippat siunissami Qaanaami aalisartut piniartullu imminnut pilersorsinnaanissaat qulakkeerumallugu Naalakkersuisut qanoq iliuseqarniarpat?**
- 2. Qilalukkat qernertat tamarmik qeqertarsuup tunuaninngaanneersuugaluartut, suna patsisaava Iluliarmiunut Kommune Qeqertalimmiunullu pisassiissutit agguataarneri taamak assigiinngitsiginerannik?**
  - 2a. Naalakkersuisut ukiuni tulliuuttuni pisassiissutinik agguataarineq naleqqussassallugu pilersaaruteqarpat?**

(Inatsisartuni ilaasortaq Aqqalu Jerimiassen, Atassut)

**Tunngavilersuut:**

Qaanaami qilalukkanik qernertanik pisassiissutit nungupput. Puisit amii tunisaanngillat aappaagulu aatsaat aalisartoqaqqilersinnaalluni. Qaanaami piniartut aalisartullu massakkut ilungersunartorsiorput. Iliuseqartoqanngippallu ukiup sinnerani imminnut pilersorsinnaanaviannngillat. Tamanna Qaanaarmiunut annertuumik ernumatitsivoq.

Taavalu amerlasoorpassuarnut assut eqqarsarnartinneqartarpoq soq Ilulissani Qeqertaliullu kommuniani pisassiissutit agguataarneri taamak assigiinngitsiginersut, qilalukkat tamarmik qeqertarsuup tunuaninngaanneersuummata.

Kissaatigivara ullut suliffiusut qulit qaangiutinnginneranni akissuteqarfigineqarnissara.